



DISPUT

ETRE UR VAM HAC HE MERC'H,

PEHINI A FALIE DEZI DEMEZI

DA EUR ZOUDARD PE DA EUR MARTOLOD,

Var un ton joüis.

AR VERC'H.

VA Mam, va demezit, me gar oll tud ar Roue ;
Va Mam, grit an drase,
Me a gar an arme :
Charmet eo va c'halon pa glévàn tambourineu ;
Pa velàn ar rejimanchoù ;
Aneze emeus c'hoant
Da choas un den yaouanq.

AR VAM.

Va Merc'h, meurbet oc'h sot da zonjal en arneo,
 An dud a barlanto,
 Ha chagrin o pezo;
 Hep e sonjot en drouc, sur e vezo lavaret :
 Homa gant ar Zoudardet
 Hag an oll dud a vor,
 A gollo he honor.

AR VERC'H.

Comzet nep a garo; laqêt emeus em speret
 Caret an dud a vor,
 Ar re-ze o deus honor.
 En instant ma o guelàn, e rejouis va c'halon;
 Eno ema va mignon :
 Anezo emeus c'hoant
 Da choas un den yabuanoq.

AR VAM.

Va Merc'h, en amzer-màn n'estimer get ar plac'het
 A dal ma vent guelet
 O comz gant Soudardet,
 Balamour d'o habit, pehini zo scandalus,
 D'ar merc'het gen danjerus :
 Dioùallit oc'h honor
 Eus an oll dud a vor.

AR VERC'H.

Va Mam, an dud a vor a zo tud rejouisset,
 Merdaidy, Soudardet,

A gontant va speret;
 M'en em fize gent enno vit en un den souchet,
 Godiserien ar plac'het;
 Anezo emeus c'hoant
 Da choas un den yaouanq.

AR VAM.

Va Merc'h, me gafe guell d'éc'h caout un den a vicher,
 Bourc'his pe baysant,
 Intaon pe den yaouanq.
 Lezit an oll dud a vor, chaseit-y eus ho speret;
 Pe e viot disprizet
 Gant an oll plac'het all,
 Ha laqet un den fal.

AR VERC'H.

Va Mam, ar botret/vrao zo e servich ar Roue;
 Mar dint potret vaillant,
 E zeont insessamant
 D'an arme, p'o goulen, ret é deo oboissa,
 N'o deus gard da rezista,
 Hag anezo emeus c'hoant
 Da choas un den yaouanq.

AR VAM.

Va Merc'h, ar Zoudardet coulz hag ar Vartoloded
 A ra rejouissanç
 Gant arc'hant ar Roue Franç.
 E fin o' c'hampagnou e zeont d'an hostaliri,
 Evit en em antreteni,

Da foueta o frusqin.
Va Merc'h, oc'h eva guin.

AR VERC'H.

Va Mam, hac e ve guir ec'h effent peb a vanne
Evit en em récrei,
O deus poan hag anui.

Pa vezont van ar mor, int exposet en danjer,
Ha da bep sort mizer:
Anezo emeus c'hoant
Da choas un den yaouanq.

AR VAM.

Mar o pe bugale, va Merc'h, pa viot demezet,
Soudard pe Merdead,
Ho rento miserabl:

En a yelo en campagn, hac e viot dilézet,
Setu c'houi abandonet,
Poan o pezo goude
O vaga ho pugale.

AR VERC'H.

Hag em be bugale, va Mam, mar bezont potret,
Evel ma vint savet
Eziat da Zoudardet,
Pe da Verdaïdi, da reded an armeou,
Evel ma ya an troupou;
Eus an arme emeus c'hoant
Da choas un den yaouanq.

AR VAM

Va Merc'h, c'houi zo yaouanq, n'oc'h eus nemet
pempzec vloas,

Abredic mat oc'h c'hoas

Da g'emeret eur goas.

Eun daou pe dri blavez e false din diferi,

E chomfac'h hep dimezi;

Neuze e ven contant

E gemerfac'h ho c'hoant.

AR VERC'H.

Va Mam, an exersic, ar sifr, an tambourinou,

An oll rejouissanç

A arme Roue Franç,

A laqa va speret da garout ar Zoudardet;

Hag ar Vartoloded;

Bremàn e renqàn choas

Eus an arme va goas.

AR VAM.

Torit eta ho c'hoant, ha choazit ho fantazi,

Soudard pe Vartolod,

Va Merc'h, evit ho lod,


Pa zeo guir an arme a ra dêc'h rejouissanç,

Hag oc'h oll pasetanç,

Criomp, gant calz a joa;

Hon diou : VIVE LE ROI

FIN.



S O N
H E R R I - P È V A R,
R O U E A F R A N Ç .



Var ton : *Vive Henri-Quatre !*

✠
NA pebes Roue.
Eo bet HERRI goechal !
Coulz a ell bale ;
Mes nicun en tu all

Ne velot morze
En Franç nac e lec'h all.



Ar Roue HERRI

A voa eur pot dious-tu,

A garrie hardi.

E JANNED ha guin ru,

Hac o combati

A vouie cregi dru.



E creis ar gombat

E comzas evellen :

„ Dalc'hit ho lagad

„ Vat va flumachen ven,

„ Sur eo d'o laqat

„ Bepret er guir rouden. „



HERRI a garrie

An dud divar ar mèz,

Hac a reqete

M'o dije bep sulvez

Yar er pod deze

Da zebri en o èz.



HERRI-PÊVARE

N'en deo qet maro c'hoas,
 Rac e Vugale
 E lignes hac e raç
 Zo leun a vue :
 Graç deo da chom mil bloas.



Mar distro bigen
 An diaoul da c'hoari vas,
 Prest omp da zouten
 Ar Roue en e blaç,
 Ha prest ha laouen
 Da rei peb a dol bas.

FIN.

E MONTROULEZ, e ti LEDAN, e traen ru ar Vur.